



## Գլենդեյլի հասարակական կարգադրություն թիվ 2020-05

Գլենդեյլ քաղաքի արտակարգ իրավիճակների ծառայությունների լիազորության ներքո

Արձակման ամսաթիվը՝ 25 մարտի, 2020 թ.

### COVID-19-ի դեմ ուղղված քաղաքային միջոցառումներ (Բնակարանային վարձավճարների բարձրացման սառեցում)

**Հաշվի առնելով**, որ 2020 թվականի մարտի 16-ին Գլենդեյլ քաղաքի քաղաքային խորհուրդը, համաձայն Գլենդեյլի Քաղաքային օրենսգրքի 2.84 գլխի, հայտարարել է տեղական արտակարգ դրություն, որի անհրաժեշտությունն առաջացել էր «Կորոնավիրուս 2019» (COVID-19) հիվանդության նկատմամբ աճող մտահոգությունից՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով: Վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել՝ թեթև հիվանդությունից մինչև ծանր հիվանդություն և մահ: Հաստատված դեպքերի քանակը կարճ ժամանակահատվածում շարունակել է կտրուկ աճել: Հիվանդությունների Վերահսկման և Կանխարգելման Կենտրոնը (CDC) տեղեկացնում է, որ COVID-19-ը հեշտությամբ տարածվում է մարդուց մարդ, և մշակել է ուղեցույցներ՝ առաջարկելով, որ հասարակությունն ընդունի այնպիսի քաղաքականություն և սահմանված կարգեր, որ հնարավորինս պահպանվի սոցիալական հեռավորությունը: Բացի այդ, 2020 թվականի մարտի 16-ին Քաղաքային խորհուրդը կարգադրեց նաև փակել և մուտքի սահմանափակումներ կիրառել որոշ հասարակական հաստատությունների վրա:

**Հաշվի առնելով**, որ Գլենդեյլի քաղաքապետարանը վերստին կրկնապատկել է իր ջանքերը՝ ուղղված ձեռքերի հիգիենայի, շնչառական կանոնների և սոցիալական հեռավորության պահպանմանը: Չափազանց կարևոր է, որ մենք որպես քաղաք, անենք հնարավոր ամեն ինչ՝ դանդաղեցնելու համայնքներում հիվանդության տարածման տեմպերը և խուսափելու մեր բժշկական համակարգի անհարկի ծանրաբեռնվածությունից: Մեր ջանքերին նպաստելու նպատակով՝ արտակարգ դրության պայմաններում Արտակարգ իրավիճակների ծառայության տնօրենի լիազորության ներքո, Գլենդեյլի Քաղաքային օրենսգրքի 2.84 գլխի համաձայն, ինչպես նաև՝ այդպիսի արտակարգ իրավիճակների հետևանքով՝ կյանքի և սեփականության պաշտպանության հետ կապված հարցերի շուրջ կանոնակարգեր և կարգադրություններ կազմելու և արձակելու նպատակով՝ կարգադրվում է մի շարք ժամանակավոր սահմանափակումներ կիրառել Գլենդեյլ քաղաքի որոշ հաստատությունների վրա, որտեղ սովորաբար մեծ թվով մարդիկ են հավաքվում և միմյանց հետ սերտ հարևանությամբ են գտնվում:

**Հաշվի առնելով**, որ տնտեսվարող սուբյեկտների առաջարկված և պարտադիր փակումը հանգեցրել է եկամտի զգալի կորուստների, որոնք խոչընդոտում են տնտեսվարող սուբյեկտներին՝ պահպանելու աշխատավարձերի, վարկերի և

կոմունալ վարձերի վճարման իրենց ունակությունը, և կոմերցիոն վարձակալության շրջանում կայունության խթանումը նույնպես նպաստում է հանրային առողջությանը;


**Հետևաբար, այժմ՝** ըստ Գլենդելի քաղաքային օրենսգրքի 2.84 գլխի տրված լիազորության՝ Արտակարգ իրավիճակների ծառայության տնօրենը արձակում է հետևյալ կարգադրությունները, որոնք գործում են այսօր երեկոյան ժամը 11:59-ից մինչև 2020 թվականի ապրիլի 30-ը ժամը 12:00-ն, ըստ որի՝

Բաժին 1. Գլենդելի բնակիչներին այս աննախադեպ արտակարգ դրության պայմաններում օգնություն և պաշտպանություն տրամադրելու նպատակով՝ ըստ Գլենդելի քաղաքային խորհրդի կողմից թիվ 20-33 Որոշման ընդունմամբ նախատեսված կարգով՝ սույնով հրահանգվում է վարձավճարների բարձրացման սառեցում, որն ուժի մեջ է մտնում անմիջապես՝ անկախ այն հանգամանքից, թե երբ է տրվել վարձավճարի բարձրացման ծանուցումը, ըստ այդմ՝ բնակելի տների վարձակալների համար բոլոր վարձավճարները կմնան նույնը, ինչ սույն Կարգադրության օրվա դրությամբ և տեղական արտակարգ դրության ընթացքում: Արտակարգ դրության ավարտին վարձավճարները բարձրացնելու ցանկություն ունեցող տանտերերը, նահանգային օրենսդրության համաձայն, կներկայացնեն վարձավճարների բարձրացման մասին նոր ծանուցում՝ հստակ նշելով բարձրացրած վարձավճարի սկսելու նոր ամսաթիվը և բարձրացման արժեքը:

Բաժին 2. Սույն կարգադրությունը կարող է երկարաձգվել, նախքան 2020 թվականի ապրիլի 30-ը:

Ամսաթիվ՝ 25 մարտի, 2020 թ.

Ժամը՝ 03:45 P.M.

Ում կողմից՝   
Յասմին Ք. Բիրս  
Արտակարգ իրավիճակների  
ծառայությունների տնօրեն

Որպես ձև ընդունվել է՝  
ՄԱՅՔԼ Ջ. ԳԱՐՍԻԱ՝ ՔԱՂԱՔԻ ԴԱՏԱԽԱՋ

Ում կողմից՝ Michael J. Garcia

Պաշտոնը՝ ՔԱՂԱՔԻ ԴԱՏԱԽԱՋ

Ամսաթիվ՝ 25 մարտի, 2020 թ.